

Dolarea eta Igartza Oletako lanetarako diru partidak onartuta

Argitaratua: Azteazkena, 06 Maiatza 2020 16:15



Herrilab, Kontziliazio erantzunkidea udalerrian garatzeko ekintza plana datozen hiru urtetan gauzatuko duen hitzarmenari baiezkoa eman zion udalbatza osoak EHBildu taldeak ezik

Apirileko ohiko udalbatzaren osoko bilkurak onartuta, Dolarea parkeko birmoldaketarako obrak eta Igartza Oleta kalea bi norabidetara egokitzeko lanek badute diru partida. Lanen proiektuen esleipenak abian jartzeko lehen urratsa eman du Udalak honela eta hurrengoa proiektuak esleitzeko pleguak onartu eta argitaratzea izango da.

Dolarea parkearen berregokitze lanetarako 1.100.000 euroko kreditu gehigarria gerakinetik finantziatzeko proposamena onartua geratu zen aho batez udalbatzaren osoko bilkuran. Dolarea parkearen birmoldaketarako egindako parte hartze prozesuak utzitako proposamenei jarraituz, aisiarako espazio berde autoaski eta jasangarria moldatuko da.

Trafikoaren puntu beltzak arintzea

Era berean, 350.000 euroko kreditu gehigarria gerakinetik finantziatzeko proposamena onartua izan zen PSE eta EHBilduren aurkako zazpi botoekin eta udal gobernuaren aldeko hamarrekin. Igartza Oleta kalean, Dolarea parkea eta Florentzio Axpe kaleko bidegurutzerainoko tartean egingo diren lanak trafikoaren norabide bikoitza ezartzea

ekarriko dute. Orain arte oinezkoentzako espaloia eta bidegorria bere horretan mantenduko dira. Florentzio Axpe kaleko biragunean erradioa handituko da ibilgailu eta oinezkoen segurtasuna hobetzeko.

Bestalde norabide bikoitzak, Udalak eskatutako trafikoari buruzko azterketa teknikoak utzitako ondorioen arabera hainbat arazo konpontzeko helburua izango du. Udalerriaren mendealdeko sarbide nagusia Igartza Monumentu Multzoa ikusgarriago bihurtuko du. Oriamendi, Zapatari, Foru eta udalerriaren goialdeko hainbat eremuetara zuzenago iristeko aukera emango du eta bide batez trafikoari dagokionez puntu beltzak direnak arinduko ditu: Barrendain plazako biribilgunea eta Zapatari kalea eta Nafarroa etorbideko bidegurutzea.

Kontziliazio erantzunkidea sustatzen jarraituko da

Gipuzkoako Foru Aldundiaren eta Beasaingo Udalaren arteko lankidetzak hitzarmena HerriLab proiektu pilotuaren jardura plana ezartzeko eta ebaluazioa egiteko proposamena onartu zuen udalbatzak. Bozketan EAJ eta PSE alderdiek alde bozkatu zuten eta EHBilduk aurka.

Udalerrian kontziliazio erantzunkidea sustatzea ahalbidetzeko 2020-2023 epealdirako ekintza plana gauzatuko da orain artean eta 2018tik abian jarritako proiektu aitzindari honi jarraipena emanez. Gizon eta emakumeen arteko berdintasuna helburu duen egitasmo honek, eguneroko bizitza pertsonalean, lanean eta etxean eginkizun guztietan kontziliazio erantzunkidea ezartzeko bitartekoak ezarri besterik udalerrietan partekatzeko eredu izan nahi du.

Merkataritzan hizkuntza paisaia euskalduntzeko laguntzak

Herritarrak sailetik eramandako beste proposamena, Merkataritzan hizkuntza paisaia euskalduntze aldera, eta gaztelaniaz dauden errotulu nagusia eta irudi korporatiboko elementuen kopurua jaiste aldera, 2019an eskatzaileen kopurua hazi zela eta 2020ra dirulaguntza berdina ematea izan da.

Honela, aho batez onartu zen, errotuluen kasuan, diru-laguntza kostuaren %50 izatea, gehienez ere 240 euro izatea. Irudi korporatiboen kasuan, testua euskara hutsez jarri gero, kostuaren %50 ordainduko du Udalak eta diru-laguntza gehienez ere 180 eurokoa izatea. Web-orria euskara hutsez eginez gero, kostuaren %50 izatea dirulaguntza, eta gehienez ere 450 euro. Web-gunea euskaraz eta beste hizkuntza batean/batzuetan egonez gero, kostuaren %40 izatea diru-laguntza, eta gehienez ere 360 euro.

Bigarren aldiz eta koronabirusak hala behartuta telematikoki egin zen

Udalbatza osoko bilkurak gai zerrendako beste hainbat aztergai aho batez onartu zituen. Aipagarrienak hauek izan ziren; udalekuetako tasak, hileko azoka bereziko bertako produktuen merkaturatzea ahalbidetzen duten ekoizleei laguntzak onartzea, coworkinerako dirulaguntzak eta herriko elkarteei urte hasieran aurre ikusitako dirulaguntzak ematea. Udaleko likidazioaren berri ematerakoan aipatu 2019ko aurrekontua %82,8an gauzatu zen eta gerakina 14,7 milio eurokoa da.

```
jQuery("#share359") . jsSocials({shareIn: "popup",shares: [{ share:
"twitter", label: "Tweet", via: "", hashtags: "", text: "Dolarea eta
Igartza Oletako lanetarako diru partidak onartuta ", url: "https://bea
sain.eus/albisteak/349-covid-19/2997-dolarea-eta-igartza-oletako-
lanetarako-diru-partidak-onartuta"},{ share: "facebook", label:
"Partekatu", url: "https://beasain.eus/albisteak/349-covid-19/2997-dol
area-eta-igartza-oletako-lanetarako-diru-partidak-onartuta"},{ share:
"linkedin", label: "Partekatu", url: "https://beasain.eus/albisteak/34
9-covid-19/2997-dolarea-eta-igartza-oletako-lanetarako-diru-partidak-
onartuta"},{ share: "whatsapp", label: "WhatsApp", shareIn: "self",
text: "Dolarea eta Igartza Oletako lanetarako diru partidak onartuta
", url: "https://beasain.eus/albisteak/349-covid-19/2997-dolarea-eta-
igartza-oletako-lanetarako-diru-partidak-onartuta"},{ share: "email",
label: "E-mail", shareIn: "self", text: "Dolarea eta Igartza Oletako
lanetarako diru partidak onartuta ", url: "https://beasain.eus/albiste
ak/349-covid-19/2997-dolarea-eta-igartza-oletako-lanetarako-diru-
partidak-onartuta"},{ share: "telegram", label: "Telegram", shareIn:
"self", text: "Dolarea eta Igartza Oletako lanetarako diru partidak
onartuta ", url: "https://beasain.eus/albisteak/349-covid-19/2997-dola
rea-eta-igartza-oletako-lanetarako-diru-partidak-onartuta"},] });
```